



REPUBLIKA E SHQIPËRISË  
KUVENDI  
*Konferenca e Kryetarëve*

**V E N D I M**

Nr. 21, datë 29.06.2020

**PËR VIJIMIN E ZHVILLIMIT TË MBLEDHJEVE NË DISTANCË NËPËRMJET  
MJETEVE TË KOMUNIKIMIT ELEKTRONIK TË KOMISIONEVE  
PARLAMENTARE DHE ZHVILLIMIN E MBLEDHJEVE TË KUVENDIT NË  
SEANCË PLENARE NË KUSHTET E DISTANCIMIT FIZIK**

Në mbështetje të nenit 12 pika 1 të Rregullores së Kuvendit, ligjit nr. 24/2020 “Për miratimin e aktit normativ nr. 3, datë 15.03.2020 “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga COVID-19” të ndryshuar”, pikës 4 të urdhërit nr. 351, datë 29.05.2020, të Ministrit të Shëndetësisë dhe Mbrojtjes Sociale, “Për marrjen e masave të veçanta dhe kufizimeve për parandalimin e përhapjes së COVID-19”, pikës 1 të urdhërit nr. 156/2 datë 11.03.2020, të Ministrit të Shëndetësisë dhe Mbrojtjes Sociale “Për shpalljen e gjendjes së epidemisë së shkaktuar nga COVID 19”, me propozim të Kryetarit të Kuvendit,

**KONFERENCA E KRYETARËVE**

**VENDOSI:**

- I. Vijimin e zhvillimit të mbledhjeve në distancë nëpërmjet mjeteve të komunikimit elektronik të komisioneve parlamentare deri në përfundimin e gjendjes së epidemisë së shkaktuar nga COVID-19.
- II. Vijimin e zhvillimit të mbledhjeve të Kuvendit në seancë plenare duke respektuar distancimin fizik të deputetëve dhe masat e tjera mbrojtëse për parandalimin e përhapjes së infeksionit të shkaktuar nga COVID-19 deri në përfundimin e gjendjes së epidemisë.
- III. Koha e diskutimeve për çështjet e parashikuara në seancë plenare është 180 minuta dhe ndahet në mënyrë përpjestimore ndërmjet grupeve parlamentare, sipas përfaqësimit të tyre në Kuvend.
- IV. Ngarkohet Sekretari i Përgjithshëm për mbështetjen me burime njerëzore dhe logjistike të nevojshme për të siguruar vijimësinë e zhvillimit të mbledhjeve të komisioneve parlamentare me anë të mjeteve të komunikimit elektronik si dhe për marrjen e masave mbrojtëse të nevojshme për parandalimin e përhapjes së infeksionit të shkaktuar nga COVID-19 në seancë plenare.
- V. Ky vendim hyn në fuqi menjëherë.

